

Copyright 2017

All rights reserved. No part of this publication may be reproduced or transmitted in any form or by any means, electronic or mechanical, including photocopy, recording or any information storage and retrieval system, without prior permission in writing from the publisher.

ISBN 978-621-95674-5-9

Published by Our Lady of Fatima University  
120 McArthur Highway, Marulas,  
Valenzuela City, Philippines  
293-6538 loc. 808  
<http://www.fatima.edu.ph/>

Printed by: Vj7 Printing and Packaging, Inc.



# About the Cover and Illustration

The illustrator is primarily inspired with the tone and dynamics of the submitted transcripts of spoken and written poems by the Our Lady of Fatima University community which will emphatically be felt by the readers as they flip through the pages of Emovere. All in all, double exposure technique was used in order to express the corresponding strings of emotions of each poem. Also, the whole design inspiration used a palette of neutral colors and a touch of vivid red as a chief highlight of thoughts, emotions, and ideas.

The cover design was conceptualized with the idea of crossing paths with black cats as bad omen. For the illustrator, black cats signify the bad experiences that the authors expressed in their poems; consequently, this clings with the idea that every bad experience is only just a phase. The black cat figure is then fused with a person walking through the rain, under the bright moon. With this, the illustrator believes that its is important to hold on to something, just like an umbrella, whenever someone would intend to move on amid the intense pouring of emotions, which signify the rain, while under the slight glimpse of light, as provided by the moon.

Despite of the common undesirable notion that Filipino people have on black cats, it is also ironically believed in Southern England that black cats absorb the negativity inside the households in places. Which then makes the symbolism for black cats either as a bad or a good luck.

Bad or good, to move on or not, Emovere will definitely be an echo of the emotions of every gloomy soul.

Illustrator and Designer **Christopher Patricio**  
Editor **Jueliand Peter Perez**

emo·vere

/ēmōvēre/

*noun*

to move emotionally.

I would like to express my sincere congratulations to the College of Arts and Sciences for making an anthology of all the spoken word poetry delivered by our students and poems made by the Our Lady of Fatima University community. I am equally pleased and grateful to read and see the creative works, especially of our students for this only affirms that Fatimanians untiringly live up to our university's core values; to be an achiever in every thing that they do.

Accordingly, I also commend the effort and time of the faculty members who guide and support our students' interests, making their academic stay in Our Lady of Fatima University better and memorable.

Emovére will be a pilot poem anthology in our university and I hope that this publication continues in the succeeding years. Again, congratulations to our students, faculty, and staff behind this moving work of art.

**Dr. Caroline Marian Enriquez**

President, Our Lady of Fatima University

Robert Frost, a great poet, once said that “Poetry is when an emotion has found its thought and the thought has found words.” It is indeed inspiring and heartening to know that with such little experience, our students have already found their words to convey their thoughts and emotions, and with the whole OLFU community as well.

Emovére is a testament of how creative and passionate Fatimanians could become in amid of negative emotions. This compilation is more than just letters and words; every single poem contribute to the very meaning of the Latin word, emovére, which literally means to remove or displace.

I would like to commend our students, faculty, and staff behind this anthology. Hopefully, with this creative work, every reader would have a certain poem to relate to. And may the poems made by our dear students and stakeholders be able to help their fellow readers to move on from all the negative experiences that they have long been carrying.

**Dean Ramonita Salazar**

Administrative Dean, Our Lady of Fatima University  
Quezon City Campus

The Our Lady of Fatima University is well aware of the fact that every individual has a distinct, or combination, of multiple intelligences. This fuels the university to empower its students, faculty, and staff to stay true to its institutional vision of improving man as man.

The linguistic intelligence of Fatimanians is highlighted in this timely masterpiece. In the light of trending “hugot” lines and social media memes about moving on, our stakeholders had their own share of experiences to impart to the public through spoken and written poetry. And it is indeed brilliant to compile these masterpieces and publish them through Emovére.

I would like to congratulate all the people behind this amazing creative work. Truly, projects like these are testaments of our continuous growth as an institution. As Howard Gardner, the man behind the theory of multiple intelligences, once said, “The goal of education is to help people use their minds better.”

Let us strive to uphold our vision of improving every individual for our development and growth of our dear university to continuously rise to the top!

**Dr. Michael Joseph Diño**

Research Director, Our Lady of Fatima University





# 01

---

Aking Ina  
Mariel Castulo

# 03

---

Ang Sinimulan  
Noon, ay Tinatapos  
ko na  
Jessevil Bacal

# 06

---

Pusong  
Nagsusumigaw  
Alyza Ann Yadao

# 13

---

Estranghero  
John Ramirez

# 15

---

Hindi Sigurado  
Ayneilleene Zarah  
Ciocon

# 24

---

Ngiti  
John Esportuno

# 09

---

Baka Mamaya  
Patricia Mae  
Arcellana

# 10

---

Basang Papel  
Jhanina Mhyrie  
Sanchez

# 11

---

Breath  
Cornelia Dalao

# 17

---

Ititigil ko na  
Jona Mae Regudo

# 18

---

May Tayo pa ba?  
Pauline Andrea  
Libunao

# 22

---

Museo ng mga  
Taong Hindi Pinipili  
MJ Gallamoza

# 25

---

Simpleng Taga-  
hanga mo  
JohnBert Napili

# 27

---

Tuldok  
Mary Joy Manucan

# 28

---

Umulit Tayo ng  
Paulit-ulit  
Princes Caparosso

# 31

---

Kailan pa kaya?  
Zorobabel Laureles

# 32

---

Pagdungaw  
Eunice Mallari

# 33

---

Ang Paghahanap  
Zorobabel Laureles

# *Aking Ina*

Mariel Castulo

Ikaw ang nagdulot ng aking pagsilang,  
At sya ring bumuo ng aking katauhan,  
Mula ulo hanggang paa, pati pagkilos at pagsasalita  
Lahat ng ito'y sa inyo ni ama ko nakuha.

Ikaw ang nagsilbing sya'ng gumagabay,  
At tumatayang tungkod na sa akin ay umaalalay,  
Bawat galit at lungkot, bawat hinagpis at poot,  
Lahat ng ito'y inalis mo sa aking puso at  
ako'y tinuruang magpatawad at lumimot.

Ikaw ang syang nasa aking tabi,  
Mula pagkabata hanggang sa'aking paglaki  
Hindi moko iniwan sa kabiguan man o pagkawagi,  
Ikaw ang kakampi sa oras ng pagkasawi.

Noong ako'y tumanda at nagkaroon ng sariling utak,  
Ako'y nagsimulang mairita sa iyong mga pagputak  
Lahat ng payo't bilin mo ay akin ng sinusuway  
Na sya'ng nagiging dahilan ng ating pag aaway.

Patuloy ang pagsagot ng pabalang at sa mataas na tono,  
Ugali ko na nga'y tuluyan ng nagbabago  
Lahat ng kamalian at katarantaduhang ginagawa ko,  
Yun ang naging dahilan ng tuluyang paglayo ng loob mo.

Ginawa ko itong tulang ito para ipatid sa iyo,  
Ang lubos na pagsisipi mula sa puso ko,  
Alam kong hindi na maibabalik at maitatama ang nakaraan,  
Ngunit gagawin ko ang lahat para pagkakamali't pagkukulang ay mapunan.

Patawad sa mga masasakit na salitang nabitawan,  
At sa mga pagtatalong nauwi sa hiyawan,  
Sa mga panunumbat na sayong puso ay nagdulot ng sugat  
At sa ating relasyo'y nagdulot ng lamat.

Ayoko dumating sa puntong maging huli na ang lahat  
At sayo'y hindi nako makapagpasalamat  
Ayokong magsisi sa bandang huli,  
Na ang mga sumusunod na katagang ito'y diko na masabi.

"Aking ina, mahal kita!"  
At hindi ako nagsisising ikaw ang aking naging ina,  
Salamat sa pag iintindi at pag uuna,  
At sa walang sawang pag mamahal at pag aalaga.

Wala nakong mahihiling pa, bagkus ay nagpapasalamat ako,  
Sa poong maykapal na nagbigay sa akin ng magulang na katulad ninyo.  
May isa akong bagay na sa wakas ay napagtanto ko;  
Yun ay ang napakaswerte ko dahil ikaw ang naging INA ko.

# *Ang Sinimulan Noon, ay Tinatapos Ko na*

Jessevil Bacal

Habang naglalakad ako papalayo sayo  
Pilit kong pinipigilang  
Pumatak ang mga luha  
Luha na dulot ng sakit na nadarama

Isang taon nang una kitang makilala  
Pareho tayong may ngiti sa mga mata  
Mga mata na nagtugma ng ika'y makita  
At dun na nagsimula, nagsimula sa simula

Araw araw tayong magkasama  
Hinihiling na bawat segundo ay tumigil  
Tumigil ang mundo at ating susulitin  
Pagkat ikaw lamang ang gustong makapiling

Dumaan ang mga araw at mga buwan  
Hindi nagbabago ang ating pagtitinginan  
Hindi ako lumingon kanino man  
Ngunit mahal, may mahal ka nang iba

Dumating sya ng di mo inaasahan  
Dahil alam kong hindi mo sasadyain na ako'y saktan  
Ika'y nabighani sa kanyang kagandahan  
At ako'y pilit na nabubulag-bulagan

Bulag na kung bulag  
Tanga na kung tanga  
Harap harapan na kong sinasaktan  
Ngunit heto ako, nagtitiis makapiling ka lamang

Isang araw pumunta ako sa inyo  
Sabi ko, umalis naman tayo  
Hindi mo naalalang iyon ay kaarawan ko  
Kaya siguro tumanggi ka sa alok ko  
Imbes na umuwi, pumunta ako sa mall  
At habang kumakain ako,  
Naaninag kong may isang taong kilalang-kilala ko

Sa katawan at kilos, hindi ako pwedeng magkamali  
Ikaw nga ang nakita, at ako'y napaluha

Napaluha sa kadahilanang ang kamay mo ay hawak nya  
Mga ngiti sa labing nakita ko nung una pa  
Mga halik sa noo na dati'y sakín mo ginagawa  
Mga akbay at yakap, na hindi na akin, at sa kanya na

Yumuko ako at umalis para di mo 'ko makita  
Dahil ayokong ikaw ang mapahiya  
Maligayang kaarawan sa akin  
At maligayang pagmamahalan sa inyo

Kinagabihan nakatanggap ako ng mensahe mula sayo  
Binati mo ako, at sabi ko sa sarili ko  
"Sa wakas naalala mo ako"  
Nagpasalamat ako at sinabi kong magkita tayo  
Magkikita tayo, at pipilitin ko nang makalimot

Buong magdamag tumutulo ang luha  
Pilit tinanong ang sarili kung bakit ika'y nawala  
Mahal kita, ngunit bakit naghanap ka ng iba  
Saan ako nagkulang, at saan ako nagkamali  
Mga tanong na umiikot sa isipan  
Dahil hanggang ngayon,  
Hanggang ngayon mahal, mahal na mahal ko pa rin ang nag-iisang ikaw

Sumikat ang araw  
Ang araw na muli nanaman akong masasaktan  
Pinipilit ko ang sarili na bumangon  
Bumangon sa higaan na puno ng kasawian  
Bumangon para hindi na tuluyan pang masaktan  
Nag-ayos ako para hindi mahalata  
Ang mga matang namamaga mula sa sandamakmak na luha

Hinintay kita sa dating tagpuan  
Umupo ako sa duyan, at naalala ko  
Naalala ko ang mga panahong  
Masaya tayong nagtatawanan, habang ako'y iyong dinuduyan

Ngunit bumalik nanaman ang lahat ng sakit

Patulo na ang luha ng ika'y dumating  
Ngumiti ako, niyakap kita at sinabi kong  
Mahal, namiss kita

Hindi ako kumalas sa pagkakayakap  
Ang yakap na hiniling kong maramdaman nung ako'y umiiyak  
Yakap na nagpapainit ng malamig na puso  
Yakap na nagsanhi ng tuluyang pagguho

Pumatak ang mga luha ko kasabay ng pagpatak ng ulan  
Pinili kong hindi sumilong para hindi mo makita  
Hindi mo makikitang ako'y lumuluha dahil ang tubig, ay mananatiling tubig  
At ang sakit, ay mananatiling masakit

Alam kong naramdaman mo na na may ibang nangyayari sa aking mga mata  
Mga mata na hindi makayanang magsinungaling sa harap mo sinta  
Mga matang hindi maitago ang luhang pinipilit sa sumabay sa ulan  
Salamat sa ulan, ngunit kanya pa ring nakita

Sa ilalim ng ulan, nagpatuloy tayo  
Hindi tayo sumilong kahit basang basa na  
Basang basa na ang damit mo  
At basanag basa pa rin ang mga mata ko

Tinanong mo ako kung anong problema  
Sinagot kita, at hindi ka nakapagsalita  
Sinabi kong alam ko na ang lahat  
Ang lahat ng panlolokong nakita ng bulag kong mga mata

Tanging patak lang ng ulan ang naririnig  
Binitawan kita, at pipilitin kong ika'y makalimutan na  
Iniwan kitang nakatayo at nag-iisa  
Ang sinimulan noon, ay tinatapos ko na

# *Pusong Nagusumigaw*

Alyza Ann Yadao

Saan, kailan at alin ba sa mga ito ang dapat kong paniwalaan  
Ang mata ko bang nakikita na ang lahat ng katotoohan  
O ang puso ko na nagsusumigaw na ng kalayaan  
O ang isip ko na patuloy na nagiimahenasyon sa ating pagmamahalan

Hayaan mo akong isalaysay sa madla ang ating kwento  
Na tayo ang mga panungahing bida sa gabing ito, Ikaw, Siya at Ako  
Sa isang hugis triangulong uri ng pag-ibig.  
Kung meron pa bang dapat na taypo sa huli  
O dapat na ba kitang iwanan sa kanyang tabi

Tila kasabay ng panahon ang iyong pagbago  
Nanlamig ang dating sigla at sa iba ngayon nakatungo  
Sa sigaw ng damdaming pilit na pinipili ng puso  
Mahal, nakalimot ka yata sa pagmamahal ko

Ni minsan hindi ko ninais na maging kontrabida  
Na dati ako ang pinakamamahal mong reyna  
Sa ma-ala majika na pantasya nating istorya  
Ngunit asaan ka aking prinsiphe, sumama sa kanya

Ito na ba ang gigising sa bulag na pag-ibig  
Pangalan mo aking kaibigan ang kanyang bukambibig  
Habang ngiting patago akong pumupunas sa matang may tubig  
Dulot sa saya at salitang aking naririnig

Tunay nga'ng mapaglaro ang tawag ng pagmamahal  
Ito ang kaisa-isang iningatan kong biyaya ng maykapal  
Subalit ang oras ay hindi tumitingin sa pinagsamahang kaytagal  
Bagkus ay ninakaw mo kaibigan kong hangal

Aking kaibigan ngayon ramdam mo ang pag-ibig na lubos  
Sa pagmamahal niya na dati sakín binuhos  
Habang aking puso'y walang pagod na nanglilimos



Upang pag-iibigan naming winasak, muling magkaayos

Mahal, ano pang pag-asa ang aking makakamtan  
Kung kasama mo siya ramdam mo ang kasiyahan  
At sa kabila ako'y iniwan mong nasasaktan  
Kahalintulad ng langit na ngayon ay luhaan

Ngayon ako'y naghahanap ng sagot sa lahat ng pait  
Sa sugat na wari di maaalis ang sakit  
Na kahit anong siksik at pilit kong pagkapit  
Sa "sana na pwede pa" siyang pagbitaw mo ng kaylupit  
Masakit, na saan lulugar ang taong gusto pang mahal in ka  
Kung ang puwang na para sakin sa puso mo'y sarado na  
Ito ba mahal ang kapalit na saya nadulot nating dalawa  
O ito ba mahal ang sagot mo sa lahat ng tanong kong sana

Hindi ko lubos maisip na ang pag-ibig pala ay parang isang Goma  
Goma na pareho nating hawak, Pero unti-unti mong papalayong hinahatak  
At sa pagbitaw mo sa dulo, Ang pangarap natin ay sabay din na gumuho  
Habang ang dulot na sakit na ginagawa mo  
Ay nananatiling sakit haggang sa aking puso

Saan ba ako nagkulang ng pagmamahal sayo  
Kung ang lahat ng bagay ay ginawa ko para sayo  
Kailan ba ako tumigil sa pagsabi sayo  
Ng mahal na mahal kita at walang papantay sayo

Alin ba doon mahal ang hindi mo maintidihan  
At bakit na gawa mo parin akong inawanan  
At ang masakit pa, makita kitang kasama ang matalik kong kaibigan  
Habang magkahawak kamay at sabay kayong ngumiti sa aking harapan

Aking kaibigan ngayon damang-dama mo ang buhay ko  
Sa piling ng taong pinakamamahal kos  
Na ikaw na kaibigan ko ang magiging karibal ko  
Sa pagmamahal na buo na ngayon nawala ng dahil sayo

Ang psuso ko na patuloy na lumalaban ay sumuko na  
Kasabay ng pagpikit ng aking mata ang pagsabi mo ng "Itigil na"  
Ang pagbitaw mo saking kamay ang hudyat mo ng "Paalam na"  
At dahan-dahang lumayo ka hanggang sa di na kita makita.

# *Baka Mamaya*

Patricia Mae Arcellana

Matagal na ring nakalipas simula nung tayo pa  
Mula nung masaya pa,  
naririnig ko pa rin ang iyong mga tawa  
Kahit puro corny ang mga patawa  
Ang lambing ng pagmamahal - Kailan ba uli madarama?  
Dahil simula ng lumisan ka,  
Mundo ko'y nasira -mga pangarap natin, nasaan na? - Nawala ng parang bula

Pero sa kabila ng lahat,  
Patuloy pa rin kitang hihintayin sinta.  
Gaano katagaal? Buwan? Taon?  
Kailan ba uli tayo magkakaron ng pagkakataon?  
Mabalik ang sarap at tamis ng pagmamahalan tulad nuon.  
Kailan ba nangyayari mulo ang nga iyon?  
Wag mag-alala, hihintayin ko,  
Aantayin ko, ang pagbabalik mo.  
Pero paki bilisan naman oh,  
Kasi baka mamaya sa pagbabalik mo  
Marami nang nagbago  
Baka mamaya sa pagbabalik mo  
May bago na ang puso  
Baka mamaya sa pagbabalik mo  
Hindi ko na ikatutuwa, dahil Hindi ma ikaw ang dahilan ng mga ngiti ko,  
Hindi na ikaw ang saya ko, At hindi na ikaw ang mundo ko  
At baka mamaya sa pagbabaliknmo,  
Naunawaan ko na, Na dati pala ako'y nagpakatanga  
Nakalimutan na ang sariling saya  
at baka mamaya, sa pag balik mo  
At sabhin saking, "mahal, nandito na ako.."  
"Bumalik muli para sayo,"

"Patawad, nahuli ka na, hindi na kita mahal, maayos na ako,"

...

"Masaya na ako."

# *Basang Papel*

Jhanina Mhyrie Sanchez

Heto nanaman ako, kaharap ang isang papel,  
isang papel na susulatan ko nanaman para sa'yo,  
para sa damdamin kong hindi parin nagbabago.  
Mga papel na nagsasabing ikaw parin ang aking gusto.  
Ano nga ba ang gagawin ko dito? Itatapon ko ba ito?  
Gaya ng pagtapon mo sa akin?  
O itatago ko ito, gaya ng pagtingin ko sayo?

Heto nanaman ako,  
sumusulat habang namumugto ang mga mata,  
hindi na makadilat sa sobrang maga,  
hindi na makapag sulat sapagkat punit punit na.  
Pesteng sulat to, sumasabay tuloy ang mga luha ko.  
Naiinis na ko, bakit ikaw parin ang iniyyak ko?

Kelan ba ko mapapagod?  
Kelan ba ko hihinto?  
Kelan ba ako titino?  
Kelan ba mapupudpod?  
Ang mga tasa ng lapis at pagtingin ko sayo?  
Kelan ba mauubos ang mga pahina ng papel na iniyyakan ko?  
Kelan ba ko tatahan, kelan ba kita tatantanan?  
Kelan ba hihinto ang aking bibig kakasabi ng tayo ay walang hanggan?

Eto ako, umaasa padin sa'yo.  
Umaasa pading maging tayo, pero ano?  
Nasaan ka ba? Masaya ka na ba sakanya?  
Siya na ba ang iniisip mo sa twina?  
Habang ako eto, namumugto parin ang mga mata.  
Sinusubukang tapusin ang tula.  
Pinipilit patigilin amg mga luha.  
Ayoko na. Tatapusin na. Oo tatapusin na..  
para makapag sulat muli ng bagong tula,  
na kahit alam kong hindi ako bihasa.  
Kahit alam kong hindi mo na ito mababasa.  
Wala na kong pake kung maubusan ng pahina.  
Wala na kong pake kahit mauubos ang tasa.  
Baka sakaling isang araw, magbago ang lahat, at magkaroon ng pag asa.

# Breath

Cornelia Dalao

Dear you, for whatever reason it may be. You have sat on these chairs to hear me speak. To hear me tell you that I love you -and I may not mean romantically, but I do know that I am telling you this because you need to hear it. I love you. If not me, then someone else loves you. Regardless of my irrelevance in your life. I am here speaking these words without second thoughts nor literary beautification because I cannot hate you. I don't. For we share the same rooted blood of Adam and Eve, beyond manmade time-zones and racism on human coloured skin! There is nothing wrong with a person who loves her brethren -and I am not ashamed nor scared to be judged.

To me you are a stranger, a friend, a teacher, a parent, a sibling, flesh and bones all tangled up to create a woman or a man.

And that makes you beautiful. It makes you loved. It makes you human. You are beautiful.

But dear you; I'm here to remind you that beauty does not reflect your self-worth; for you are worth it. You are worth being loved and being put in first place. That the whole Cinderella story is downright wrong for depicting the wrong imagery, where there are children, young, who learned right from the beginning that Cinderella was beautiful; but her stepsisters were ugly and that beauty only reflects first place! No, it does not.

But kindness, and heart, and you! You are here by some magical witch-brew of cells reproducing, by the love and grace of a man up above. By the bared screams of your mother when she gave birth, by the tears of heaven that cry when you doubt your self-worth.

Know this.

Dear you; and I have always meant you, you are here today to hear me remind you that you are worth first place. That prioritizing others before yourself has taught them that you came second. And your friends? F. R. I. E. N. D. S. That word has the same seven letters as enemies. And if, baby, if they hurt you in some way; in any means starting from physical pain to ill betrayal, then know this. That hurt, baby, hurt. H. U. R. T. hurt has the same number as heal. That beyond the blades and the blood, the pants and cries in the night, and the shaking body on the bathroom floor illuminated by moonlight!

You are but a child!

And if your voice is small then scream 'til the top of your lungs and know that you have tried! That you gave it your all. Do not mingle failure with regret, and do not say that you can't until you have tried.

Because in the end? When all has been said and done? Only one thing matters. Not politics, nor status, nor grades; not your wealth, nor your fame.

Dear you; in the end, all that matters is that you lived. That you did not breathe in air and walk this earth only surviving miseries. People will always love you best, when you are at your best; but the best people are the ones that have seen you at your worst -and still love you anyway.

All that matters is that you lived to love, that you lived to laugh; that you conquered life in your own little way, that you lived whole heartedly, without regrets.

All that matters is that you lived.

And that, love, is the most beautiful thing you could ever do.

LIVE.

# *Estranghero*

John Ramirez

Naaalala mo pa ba kung paano mo hawakan ang aking kamay ng may higpit at galak.

Naaalala mo pa ba kung paano mo ako yakapin gamit ang walang kasing init ng iyong mga bisig.

Naaalala mo pa ba kung paano ka magalit sa tuwing akoy magkakasakit...

Mahal, naaalala mo pa ba? Natatandaan mo pa ba kung paano tayo nagsimula? Kung paano mo ako kausapin. Kung paano tayo tumawa. Kung paano kita iniyakan.

Sa isang iglap, kasing bilis ng kidlat, nagbago ang lahat.

Na ang dating may laman, ngayon ay ubos na.

Na ang dating masaya, ngayon ay puro lungkot na

Na ang dating lambingan, ngayon ay tampuhan.

At ang dating tayo, na napalitan ng kayo.

Mahal Anong nangyare? Ipaliwanag mo sa akin at buong puso ako makikinig. Ip-aintindi mo sakín at buong galak kong iintindihin.

Dahil kung inaakala mong dito ako bibitaw, yun din ang akala ko, Hindi pala.

Dahil gustuhin ko mang bumitaw, pero ayaw bumitaw.

Gustuhin ko mang sumuko, pero ayaw sumuko.

Gustuhin ko mang lumayo, pero ayaw lumayo.

Gustuhin ko mang makalimot, pero ayaw makalimot.

Sana ganun din ang nararamdaman mo sakín.

Kakapit ako mahal, kahit sa totoo lang ako nalang ang kumakapit.

Pero kahit ganun ang nangyare, hayaan mo sana akong habulin ka.

Hahabulin kita kahit nagmumukha na akong tanga.

Hahabulin kita kahit alam kong ayaw mo na.

Hahabulin kita kahit may iba ka na.

Hahabulin kita hanggat sa magsawa ka.

Pero hayaan mo mahal. Sa huling paghahabol ko sayo, at ikaw na mismo ang sumuko. Sige na, malaya ka na. Papalayain na kita. Pinapalaya na kita. Pero sana, hayaan mo akong humiling sa huling pagkakataon.

Tignan mo ko na para bang ako parin ang mahal mo.

Yakapin mo ako at iparamdam mo sakín ang init sa bisig mo.

Halikan mo ako na animoy tayo lang ang tao sa mundo.

Sabihin mong "mahal mo ako" kahit na ang totooy iba na ang mahal mo.

Eto na mahal. Paalam na mahal. Paalam na sa huling pagkakataon na magkasama tayo.

Paalam na sa huling hawak mo sa kamay ko.

Paalam na sa huling yakap na pinaramdam mo.

Paalam na sa huling halik na ginawad mo.

At Paalam na sa huling "Mahal kita" na sinabit mo.

Hindi ko na papahabain pa to, pero hayaan mo akong umiyak sa harap mo.

Hayaan mo akong umiyak sa huling pagkakataon na magkasama tayo.

Salamat. Salamat mahal sa masasayang ala-ala na binigay mo sakín. Salamat.

Eto na rin siguro ang huli na iiyakan kita.

Eto na rin siguro ang huling pagkakataon na makikita mo akong umiiyak.

Dahil sa muli nateng pagtatagpo. Ngiti at tawa na ang igagawad sayo. Ngingiti ako dahil alam kong masaya ka na. Tatawa ako at tatawanan ang mga araw na naging tanga ako nung kasama kita.

At Sa muli nateng pagkikita. Isa ka nalang estranghero sa patapos kong storya.



# *Hindi Sigurado*

Ayneilleene Zarah Ciocon

Ako si hindi sigurado  
Hindi sigurado sa gusto kong gawin  
Hindi sigurado sa bagay na nais ko  
Hindi sigurado sa mga taong nakapaligid sakin? Kayo?  
Kung totoo nga ba kayo o hindi  
Hindi sigurado kung ginusto ko nga ba sya  
O sadyang nagpadala lang ako sa mabilis na pangyayare?

Tila wari niyo ay napakahirap ko naming pakisamahan,  
Dahil hindi kayo nagkakamali  
Hindi rin ako sigurado sa sarili ko  
Hindi sigurado sa pagkatao ko  
Sa tunay na ako  
Kung alin nga ba sa mga maskarang ito?  
Makikita ang tunay na ako  
Ang "Siguradong Ako"

Hindi sigurado sa mga bagay- bagay  
Pero may gusto ako  
Hindi ko lamang sigurado  
Marahil ay ikinakahon akong pilit sa saling opinion na sa tingin nila ay tama  
Mga paniniwala na pinagpasa-pasa lamang at dumami ng dumami ang mga nanini-  
wala  
Ganito ba sa atin?  
Kapag iilan lang ang naniniwala  
Sila ay di napakikinggan?  
Di binibigyang pansin?

Hindi sigurado, Di-tiyak, Di-mawari  
Ang isip ko'y punong-puno ng pagtataka  
Tungkol sa mga bagay bagay  
Walang kasiguraduhan  
Sa lahat ng bagay

Magulong utak  
Magulong kasama  
Magulong kausap at  
Magulong pag-iisip  
Ganyan na ang tingin niyo sa akin?  
Ayan nga ba ang siguradong ako?  
Mas kilala niyo nga ba ako kaysa sa sarili ko?

Ginugol ko ang kabataan ko  
Sa pag hahanda para sa kinabukasan ko  
Dahil iyon daw ang kailangan ko  
Ngunit hindi nila alam  
Ang higit na kailangan ko ay ang oras nila  
Oras na, sa akin ang atensyon  
Tenga na, handing makinig sa kwento ko  
Mga mata na, kaya akong tignan ng buo  
Kahit na hindi ako kumpleto

Yung makakita ako ng taong sigurado,  
Sa akin ay maging possible pa kaya?  
Kahit na ako mismo sa sarili ko  
Hindi ko kilala  
Hindi sigurado sa pagkatao ko  
Mahanap ko pa kaya siya?  
Isang taong sigurado na sasagot sa lahat ng tanong ko?  
Isang taong siguradong sasamahan ako kahit saan?  
Mapunan ko lang ang kakulangan ko?  
Marahil ay nasa paligid ko lang siya

Hindi ko man pinapansin  
Marahil ay ikaw na iyong kukumpleto sakín  
Ang sagot sa lahat ng pagtataka ko  
Maging sigurado na kaya ako?  
Iisa lang ang maari kong iwan  
Sa inyo na sigurado ako

Kapag ikaw ang kasama ko,  
Nakikita nila ang tunay na ako.  
Ang Siguradong ako.

# *Ititigil ko na*

Jona Mae Regudo

Ititigil ko na ang pagsasabi ng “Mahal pa rin kita”  
Ititigil ko na ang paghahabol dahil hingal na hingal na,  
Ititigil ko na dahil maling mali na,  
Ititigil ko na dahil ang dami ng luhang naaksaya,  
Ititigil ko na ang pagiging tanga,  
Ikukumpara na lang kita,  
Sa bente singkong barya,  
Na kapag nakita sa daanan,  
Hindi na papansinin pa,  
Dahil nga sa hindi na makita ang yong halaga,  
Ititigil ko na at pipilitin ng maging handa,  
alam ko naman na sa susunod mong libro,  
Ibang pangalan na ang nakalagda,  
Ititigil ko na ang pag-alala sa istorya,  
na sinimulan nating magkasama,  
Isasarado ko na ang libro nating dalawa,  
Kahit marami pang pahina ang paulit ulit ko pa ring binabasa,  
Buburahin ko lahat ng matatamis na salitang nakasulat,  
Ititigil ko na upang maghilom na ang sugat,  
Ititigil ko na upang ang bigat na nadarama’y,  
Makayanan ng mabuhat,  
Ititigil ko na ang paniniwalang wala kang katulad,  
Hahanapin na ang lagusan sa masukal,  
at puro patibong mong gubat,  
Ititigil ko na at tatanggapin na lang,  
Na bumitaw ka na at nakakapit na sa iba,  
Ititigil ko na dahil tanggap na rin naman,  
Ang kabiguang sinapit,  
Ititigil ko na rin ang pagtatanong,  
Kung paano nagkaganto at bakit,  
Lahat ng sakit na naramdaman,  
Napalitan na ng galit,  
HINIHINTAY KO NA LANG,  
NA IBALIK SAYO NG LANGIT,  
LAHAT NG PINARANAS MONG PASAKIT.

# *May Tayo pa ba?*

Pauline Andrea Libunao

Para sa mga taong naguguluhan  
Naghahanap ng kahulugan  
At patuloy na nasasaktan  
Sinasaktan – ang sarili  
Sa isang tanong na di mawari -

MAY TAYO PA BA?

May tayo pa ba?  
O ako lang tong tangang umaasa  
May tayo pa ba?  
Kung hindi mo pa kayang sabihin sa akin – yang nararamdaman mo  
May tayo pa ba?  
Bakit hindi tanggapin itong puso ko,  
Itong sariling kong buong buo ko nang ibinibigay sayo?

Magsisimula akong muli sa umpisa  
Sa umpisa, kung paano tayo nagkakilala  
Di alintana kung ika’y aking pinagdududahan  
Kasi ako’y nagugulumihanan  
Kasi madaling matulog mahirap bumangon  
Kasi madaling mahulog mahirap mag-move on  
Tignan mo ko ngayon  
Hindi ko alam ang sagot nanaaayon sa kung -  
May tayo pa ba?

Magsisimula ako muli don sa umpisa  
Sa simula ng ating relasyon – masaya  
Sa umpisa kung pano mo ko ipinaglaban  
Sa umpisa na sa tuwing hindi tayo magkakaintindihan  
Ay ikaw ang unang aamo  
Susuyo sakin at magsusumamo  
Na please lang magbati na tayo.

Sa umpisa, tuwing tatawagan kita  
Kahit hating gabi na – pupunta ka pa  
Tapos tuwing ihahatid mo ako  
Sabay hahalikan sa noo  
At sasabihing mahalaga ako  
Doon, tuwing sinasabi mo na;  
Kapag tititig ka sa aking mga mata  
Ay mapapasabi ka talaga ng totoo  
Pero alam mo  
Feeling ko minsan binobola mo nalang ako;  
Kasi kung nagsasabi ka ng totoo  
Bakit hiniwalayan mo ako?  
Dahil sa babae mo – na hindi lang isa kundi dalawa.

Pero kahit na nagkaganon  
Inaamin ko ngayon  
Hinding hindi ko maikakaila  
Na ang tama ko sayo kay malala  
Dahil ikaw, ikaw at ikaw pa rin ang hahanap hanapin kong kausap sa madaling araw  
Kahit sumikat pa yung araw

Magsisimula akong muli sa umpisa  
Ay hindi, ayoko na, ayoko na sa umpisa  
Sa umpisa mo lang ako gusto  
Sa umpisa mo lang ako ihahatid sundo  
Sa umpisa mo lang ako pagbibigyan  
Sa umpisa mo lang ako pahahalagahan  
Sa umpisa mo lang ako hindi pababayaan  
Ayoko na sa umpisa  
Sa umpisa mo lang ako mahal  
Ayoko na sa umpisa  
Ayokong sa umpisa lang  
Gusto ko hanggang dulo, merong ‘tayo’.

Hanggang dulo sana ganito  
linisip yung nabuong career goals natin  
Kase tayo’y nagnanais na abutin

Yung mga bituin  
Na lumalabas lang tuwing gabi, pero okay lang – willing to wait, willing parating  
maghintay  
Sanay naman na tayong maghintay diba?

Hinihintay na malinawan  
Hinihintay ang susi sa kapayapaan  
Ng puso kong nahahirapan  
Oo, nahahirapan na yung isip kong  
Isip ng isip ng kung ano ano  
Hindi ako mapakali sayo  
Hinihintay ka,  
Kaunting stress lang, hinihintay kita  
Na makipagkita sa akin  
Kalian mo ba balak aminin  
Na hindi ako assuming?  
Na sa tuwing mamimiss kita  
Nahihiya ka mang sabihin  
Pero ramdam ko  
Na hinahanap mo rin ako.

Dalawang taon nang lumipas  
Pero sa wakas,  
Inamin mo na yang naipon mong emosyon  
At medyo nagkaroon na tayo ng solusyon  
Sa suntok sa hangin nating relasyon  
Sa wakas, ito ang alam ko ngayon  
Na sa tinagal tagal ng panahon  
Hanggang ngayon bumabalik tayo sa isa't isa  
Dahil kailangan mo ko at kailangan kita.

Pero naiipit ako sa dalawa – sa mahal kita pero pagod na akong umasa  
Pagod na akong umintindi  
Sa silensyo mong nakakabingi  
Pagod na akong umunawa  
Sa sariling kong hindi na nadala -

Kasi minsan kahit sabihin kong suko na  
Kapag naalala ko kung pano mo ko pinasaya  
Handa na ko ulit magpasensya  
Pagod na akong maghintay na tumugma  
Yang kilos mo sa yong salita.  
Ito ang alam ko ngayon  
O mas tamang ito ang napatunayan ko ngayon  
Kahit ilang beses mo pang ulitin ulitin  
Yung sinabi mo kahapon  
Iba na itong ngayon sa noon.

Noon, handa akong isugal ang lahat talaga  
Ngayon, pagod na akong magpakatanga  
kung – ‘May tayo pa ba?’

# *Museo ng mga Taong Hindi Pinipili*

MJ Gallamoza

Laging ang hirap ng pagsisimula  
Nag-iiba ang nagsasalita  
pero nagpapatuloy lamang ang kwento..  
Ako..

PAG-ALAY

Mahal, halika.

Mamahalin ko ang mga bagay na para sa kanila ay hindi katanggap-tanggap.  
Tatanggapin ang bawat bahagi ng hindi mo pagiging perpekto  
Yayakapin ang mga multo pati na rin ang mga demonyong kasama nito  
Tanggapin mo na ang aking pag-yakap  
Halika, hayaan mo na sila.

...

Minsan may nakapagsabi sa akin na may mga taong minamahal ngunit hindi pinipili. Sabi niya na ikubli ko man sa mga pasimple kong biro at pasarkastiko kong mga kumento ay alam kong kabilang ako sa kanila  
Isa ako sa mga taong minamahal lang ngunit hindi sapat para piliin.

Bagama't ang mga ngiti ko raw ay mapang-akit,hindi nito magagawa ang maka-pag-panatili. Kahit ang mga kamay ko raw ay bihasa na sa pagkalas ng mga kadena ay hindi nito magagawa ang makapagpa-bitaw ng mga bagahe ng nakaraan.

Oo na. Hindi na ako ang tipo ng taong pinipili.

Dahil kahit mga kamay ko ang nagtanggap niyang kamay mo sa pagkakatali ay magagawa rin ng mga ito na ikaw ay pakawalan. Dahil ang mga kamay ko ay hindi para hawakan

Sabi niya, ako ay mapanira.

Ang mga kagaya ko ay hindi raw para piliin

Dahil hindi napipili ang mga misteryo, at isa akong misteryo

Ako ang tipo na mababasa lamang sa mga libro

Na ako ang tipo na hindi basta-bastang ipinagkakaloob ng uniberso

Na ako ang takbuhan ng mga taong hindi pa buo

Na ako ang hakbang lamang para makumpleto

Ako, na madalas na mababasa niyo lamang sa mga libro bilang iyong taong marunong lang magmahal pero hindi magaling.



Alam ko hindi ako bihasa sa larangan ng pag-ibig. Hihingin ko ang mga bagay na kinatatakutan mo. Magpapakuwento ako ng mga karanasan simula pagkabata mo. Hihingiin ko lahat. Isama mo na rin ang mga bagay na matagal mong itinago sa iba, mga sikretong ang mga unan mo lamang ang nakaka-alam.

Hindi ako bihasa sa larangan ng pag-ibig. Hihingiin ko lahat, ang sakit, ang pait at ang saya. Hihingiin ko lahat pati na ang mga bagay na sa tigin nilang lahat ay sobra. Dahil hindi ako bihasa, ganito ako umibig. Mamahalin ang lahat dahil hindi ko alam na dapat ipagsawalang bahala dahil para sa akin lahat ay mahalaga. Bawat detalye ay mamahalin ko ngunit mahal, para sa iyo ito ay kalabisan.

Hindi pala talaga ako para piliin.

Dahil takot ang mga taong magmahal at pumili ng mga taong madaming misteryo. Duwag sila sa maaaring mga tanong. Duwag sila sa mga taong humihingi ng lahat. Madaling piliin ang mga taong walang hinihingi at hindi na mahhirapan. Isa ka sa kanila.

Mahirap piliin ang mga kagaya kong sanay mag-isa at hindi nangangailangan ng pagsagip. Mahirap piliin ang mga taong hindi bihasa magmahal. Mahirap kami piliin.

Mahal,

Dadating ang araw na muling maglalapat ang mga mata,

Ibibigay ni tadhana ang oras na muli masilayan ka,

Ipagpapaliban ko na ang dati,

Ngingiti ako at magpapanggap na buo ako ulit kunwari,

Dahil may saysay lang naman ang nararamdaman kapag sumasakit pa hindi ba?

At sa wakas, hindi na ito sasakit.

Magtatayo ako ng museo para sa mga taong hindi pinipili gamit ang mga kadenang aming kinalas sa pagkakatali,

Gagawing haligi ang mga katagang "Mahal kita pero..I need space". Gagawing sahiang ang mga bawat "Patawad na, it's not you it's me"

Hayop

Magtatayo ako ng museo para sa mga taong hindi pinipili

Sa amin na sa tingin niyo ay sobra

Lahat ng kaya naming ibigay, ay lahat din ng hindi niyo kayang tanggapin.

# *Ngiti*

John Esportuno

Sa isang panahon na tayo'y malumbay  
Isang pag kakataon na hindi nag kataon  
Sinulat sa papel pininta ng mukha  
Mga emosyon na ating nadarama

Simuy ng hangin sa siyudad na madumi  
Alikabok sa ulap naipon unti-unti  
Bumagsak na ulan na 'sing bigat ng dahon  
Damdaming inipon 'sing dami n laggam na nag tipon

Kasing lakas ng hangin ng bagyo and dinala ng tadhana  
Apoy ng damdamin pinalakas ng bigla  
Napapatulala nung ika'y nakita  
Totoo nga ang oras humihinto bigla bigla

Ikaw ang nag papasaya sa buhay na malumbay  
Isang patay pinuno mo ng kulay  
Librong aking sinulat ikaw ay nag ambag  
Bigla itong napuno ng buhay

Hindi mo alam kung bakit napapasaya  
Sa simpleng bagay na makita kang masaya  
Uwi ako na may ngiti sa mukha

# *Simpleng Taga-hanga mo*

JohnBert Napili

Simpleng tao lang naman ako noon  
Walang pakialam sa paglipas ng panahon”.

Ngunit nagiba na ata ngayon  
Simula ng masilayan ka kahapon  
Akoy nabigla at natulala  
Nung masilayan ang maamo mong mukha .

Akoy nabighani at napahanga  
Sa taglay mong gandang mala diwata  
Tilay nagiba na ata ang takbo ng mundo ko.

di ko maintindihan kong ano na ba ito?  
Dahil Ikaw na lagi ang hinahanap hanap ko.

Tenga ko ay pumapalampak sa twing naririning yung tawa mong humahalakhak  
Dibdib kong pumapagampak sa pagalpit mo ako ay nahahatak.

Sana ikaw na nga  
sana ikaw na nga Yung hiniling ko sa may kapal na nakalagay sa banga .

At Sana hindi panaginip to  
Na pagGising ko sa umaga wala kana sa buhay ko.

Pagkat irog ko parte kana ng mundo ko  
Ikaw na yung rason sa pagtawa ko ngayon .

Ikaw na yung rason sa kong ano man ako ngayon ! ikaw na !

ikaw yung sangkap sa bawat ngiti ng aking labi

Ikaw ang dahilan nang pamumula ng aking pisngi

Ikaw ang nagbibigay kinang sa aking mga mata

Ikaw ay isang simpleng ikaw pero bat ganto kana kahalaga?

Ikaw na di ko maintindihan kong bakit ikaw ?

Ikaw ba ang sagot sa aking mga dasal o isa kang ikaw para wasakin ang puso ko?

Sana hindi ikaw pagkat ikaw ay minamahal ko na,ikaw na yung dahilan kong bakit ako masaya,masigla at napapaluha sa tuwa kapag andyan kana

Damdamin koy pinipigil ko na sa pagkat  
Ikaw yung tipong ikaw na di ko makakaya kapag akoy masaktan muna .

Natatakot ako ,natatakot ako hindi sayo ,natatakot ako sa ikaw na baka di ko kay-  
anin na ikaw yung bumubuo ng araw ko pero ikaw din naman pala ang gugulo ng mundo ko

Eto na ! Pusot isipan koy gulong gulo na  
Tilay nagtatalastasan kong ano na ba talaga?

Akoy gulong gulo na puso ko ay sasabog na sa lakas ng kaba,isip koy napapagod na sa kakatakbo mo ,tuloy hinahabol kita

Napapagod na ako!gusto ko nang tapusin to at nang makapagpahinga na ako.

Tatapusin ko na !damdamin koy tatalikuran ko na wawasakin,buburahin at ng makalimutan kana.

Ngunit di ko kaya ,sa pagkat ,hindi mabubuo ang araw at gabi ko kapag nawala ka sa buhay ko pagkat irog ko mahal kita

# *Tuldok*

Mary Joy Manucan

Tapos na.

‘Yan ang kahulugan ng isang tuldok,

Kapag tapos na ang pangungusap makikita mo ang tuldok pagkatapos ng huling salita.

Hudyat din ito ng mahabang pahinga, Sabi ng guro ko sa Pilipino noong elementarya.

Noong nasa elementarya ako, meron akong kaklase na pinagbasa ng guro ko sa harapan,

Tuloy tuloy siyang nag babasa, panay agos ang luha dahil sa hiya.

Pinagalitan siya ng guro ko,

Dahil hindi siya humihinto sa bawat tuldok ng kwento.

At ngayon, naiintindihan ko na,

Na hindi tuldok ang hudyat ng wakas,

Hindi ito mahabang pahinga,

Dahil kahit tapos na, minsan nalilimutan nating huminto.

Dahil hindi parating pag tatapos ang kahulugan ng isang tuldok.

Minsan ito rin ang hudyat ng bawat umpisa,

Na may kasunod pa pala.

Hudyat ng maraming tanong kung bakit nag tapos na.

Dahil hanggat marami pa ang tanong sa isipan mo hindi ka hihinto,

Ipagpapatuloy mo parin ang kwento,

Kahit alam mong matagal na noong nag tapos ito.

Nakikita ko na ang sarili ko sa batang ‘yon.

Panay agos ang luha,

Dahil kahit natuldukan na ang kwento, binabasa ko parin ito.

Binabasa ko parin ang kwento ng “TAYO” ,

Binabasa ko parin ang kwento nating dalawa,

Na para bang ‘di ko nakita ang tuldok mong ginawa.

# *Umulit Tayo ng Paulit-ulit*

ni Princess Caparosso

Susulat ako para sayo  
Sa pinaka payak na paraan para maintindihan mo.  
MAHAL KITA..

Kahit na paulit ulit mo akong sinaktan,  
Pipiliin pa rin kitang lpaglaban.  
Sa ilang beses mo akong binitawan,  
Mas pinili kitang maintindihan.

Kahit na,  
Harap-harapan.  
Kung paano mo ako ginawang saktan,  
Pinili ko pa ding mag bulag-bulagan

Sa mga salitang iyong binitawan,  
Gustohin ko mang magbingi-bingihan,  
Pinaniwalaan pa rin kita  
Kahit na alam kong ang lahat ng iyon ay pawang kasinungalingan lamang

Iniwan mo akong sugatan,  
Sa gitna ng labang sabi mo'y  
Sabay nating lulutasan  
Ngunit ako ngayo'y luhaan,  
At ika'y di mahagilap kung saan

Nang makita kita, Ikaw ay may kasama nang iba,  
Tinanong kita, "Mahal, siya na ba?"  
Pero sabi mo sakin, Ako lang Mahal mo at  
Wala nang iba  
Kaya heto..  
Naniwala naman si Tanga!

Sa gitna ng laban na ako lang magisa  
Walang sandata, walang kasama  
Pinili ko paring kumapit kesa lwan ka

Mahal di ba't Paulit ulit kong tinatanong sa'yo kung mahal mo ako,  
Sagot mo'y laging Oo  
Paulit ulit kong tinatanong sayo,  
Kaya mo ba kong ipaglaban  
Sagot mo'y Siguro

Ngayon ako'y Napapaisip. Kumakapa kung san ba nagkamali.  
Naguguluhan. Nasasaktan, sa kung anong nangyari.  
Lumuluha. Sinasambit, na sana'y ikaw ay manatili.<sup>3</sup>  
Walang kulang, ngunit di sapat, Ginawa lang ang akala ko'y dapat.  
Ngunit ganun pa rin.... Hindi pa rin naglapat.

Dahil mali ako.  
Napakadaling malunod sa akalang ang iyo  
Ay mananatiling iyo  
At Kung bibilangin mo ang mga tala sa madilim na kalangitan,  
Mahal, 'yan ang bilang ng mga pagkakataong ako'y iyong sinaktan.

Nanlalamig yung dating nagbabaga  
Kung maibabalik lang sana  
Payag akong sayangin ang lahat ng oras ko sayo,  
Kahit hindi natin namamalayan  
Kung gano katagal o gano ka haba,  
Wala akong pake,  
Basta ikaw ang gagamit nito

Alam mo kasalanan lahat 'to ng Kapalaran.  
Ng tadhana, at ng swerte  
Dahil kung hindi nila tayo pinagtagpo,  
Wala sanang ganitong sakit sa puso

Ngunit kung ang pagmamahal ay pagpapaka-tanga,  
Mas pipiliin kong matawag na Tanga, makasama lang kita.

Pero

Pipiliin pa din kita, sa abot ng aking makakaya

Pipiliin kita, kahit ano pang sabihin ng iba

Pipiliin kita, kahit magalit pa sila

Pipiliin kita, at paulit ulit kong pipiliin ka

sa kahit anong bersyon ng riyalidad pa

Kaya kahit nakapiring aking mga mata,

lyong pakatatandaan;

MAHAL NA MAHAL KITA.

Tama man o Mali,

Mahal mo man ako o Hindi

Kahit masakit..

Kahit paulit ulit..

Mahal, Ikaw pa rin.. ang pipiliin kong Mahalin



# *Kailan pa kaya?*

Zorobabel Laureles

Anak,  
hugasan mo muna ang iyong mga kamay  
bago ka dumulog sa hapag kainan.  
Sabuning mabuti at saka banlawan  
para ang mikrobyo'y malason, mamatay.

Anak,  
tumawag ka muna sa Poong Maykapal  
at pasalamatang dalawang pandesal.  
Idalangin mo rin na sa tanghalia'y  
magkaroon tayo kahit konting sabaw.

Anak,  
sa iyong pagsubo'y magdahan-dahan lang  
at baka sakaling ika'y mabulunan.  
Unti-untiin mo't ng 'yong malasahan  
at hindi mabigla ang hungkag mong tiyan.

Anak,  
magdasal kang muli at pasalamatang  
ang munting biyayang ating inalmusal.  
Muli mong hugasan and dal'wa mong kamay  
para manga-alis mugmog ng pandesal.

Anak,  
'wag mong isisigaw na ikaw pa'y gutom  
basta't isipin mong ikaw, ako'y busog.  
Kapag dumating na ang takdang panahon  
ulam natin lagi'y masarap may litson.

Kailan pa kaya?

# *Pagdungaw*

Eunice Mallari

Gustong gusto kong tumitingin sa mata mo.  
Parang nakatingin ako sa magandang tanawin sa tuktok ng bundok.  
Merong kwentong palaging babalik-balikan.

Naalala ko tuloy ang palaging sinabi ko sayo,  
"Alam mo ba na sa mata nakikita ang tunay na nararamdaman ng isang tao?  
At naniniwala akong konektado ito sa puso at kaluluwa ng isang tao.  
Sa totooang nararamdaman ng isang tao."  
Syempre, 'pag nagsisimula na ako ng ganitong usapan, iiwas ka at tatawa.  
Ayaw mo ng mga seryosohang usapan na may kasamang feelings.

Gustong gusto ko ang mata mo.  
Ang amo amo at nangungusap.  
Gusto ko isulat ang mga bawat ugat na nakahugit sa mata mo.  
Dudungaw ako sa mga mata mo.  
Aabangan ang pagbubukas.  
Bitbitin ang mga bagahe.  
Kahit gaano kapangit ang tanawin ng masamang alaala, sasamahan kita.  
Ilalabas ko ang mabibigat ng hingang matagal tagal na rin naipon at tinatago.  
Hahayahan na anurin ng luha.

At sana ang mga luha ay mapalinaw ang mga mata mo.  
At maalis na rin ang sore eyes sa puso mo.  
Matagal tagal ko na rin hindi nakikita ang mga ngiti ng mata mo.  
Gustong gusto ko ibalik.

Kasabay sa pagtigil mong magsulat, hindi ka na rin nagmahal.  
Hindi mo ba alam na napakaganda mong magsulat?  
Ikaw ang nagturo sa akin na hindi lang pag-ibig ang katula-tula.  
Maari rin i-tula ang pagmamahal sa bayan.  
Naniniwala tayo na sinasagip ng pagsusulat ang puso at kaluluwa ng bayan.  
Pero ito ako ngayon, nagsusulat tungkol sa pagmamahal.  
Umaasa ako na magmamahal ka ulit at ako ang una mong isusulat.

# *Ang Paghahanap*

Zorobabel Laureles

Mahabang panahon di ko alintana  
Alamin kung saan ako ay nagmula  
Sino bang nagbalak at ako'y nalikha?  
Ano ba ang plano na ipagagawa?

Puro kasiyahan pisikal na nasa  
Ang namamayani sa isip ko't gawa  
Hangaring angkinin ang lahat sa lupa  
Agawin ang yaman ng ibang nilikha.

Anupa't sa tagal panahong nagdaan  
Lahat ng ginusto ay aking nakamtan  
Tunay akong ito'y nagbuhay mayaman  
Malakas, masigla, makapangyarihan.

Datap'wat nagising sa pagkakahimlay  
Aking napagtantong tila mayro'n kulang  
May hinahanap pa na wala sa buhay  
Ano nga ba ito di pa nalalaman?

Hindi pala sapat materyal na bagay  
Para madama mo ang ligayang tunay  
Kailangan ito'y mayroong katambal  
Yaon ang hanap ko siyang kailangan.

Tanong sa sarili sa'n magsisimula?  
Kaya bang batahin pasakit at dusa?  
Matatanggap ko bang yaman ay mawala?  
At ibigay 'yon sa dukha't maralita.

Ang paghahanap ko'y nabigyan ng puwang  
Nang ako'y mapadpad sa isang simbahan  
Ako ay lumuhod kasabay ang dasal  
Humingi ng tawad sa Poong Maykapal.

Kaibang ginhawa aking naramdaman  
Sa buong buhay ko di pa naranasan  
Ang makapiling S'ya na panandalian  
At maipagtapat aking pagkukulang.

Ngayong natagpuan landas tatahakin  
Naging gawi ko na ang pananalangin  
Ang Banal na Aklat ay tinuklas na rin  
Sa pag-uugali'y naging mahabagin.

Sabi ng Biblia mahalín mo Siya  
Tulad ng pag-ibig sa iyong kapuwa  
Sa Kanya'y maglingkod sa tuwi-tuwina  
At ipakita mong karapatdapat ka.

Kapag nagkagayon masasabi ko na  
Aking paghahanap pinagbigyan Niya  
Ang kailangan lang ipagpatuloy pa  
Ang pagpupunyaging paglikuran Siya.

